

SARS e tsebisa ho qala ha Sehla sa ho Faela sa selemo sa lekgetho sa 2024

Tshwane, 28 Phuptjane 2024 – Ditshebeletso tsa Lekgetho tsa Afrika Borwa (SARS) di tsebisitse hore la 15 Phuptjane 2024 ke ho qala ha Sehla sa ho Faela bakeng sa balefalekgetho ba nakwana le bao e seng ba nakwana bo lokelang ho faela dikgutliso tsa bona tsa lekgetho. Di-auto-assessments bakeng sa sehlopha se seng se atelositswe sa balefalekgetho di tla qala ho tloha ka la 1 ho isa ho la 14 Phupu 2024.

Balefalekgetho bao dintlha tsa bona tsa boikopanyi, ho akareditswe le imeile le nomoro ya selfounu, mmoho le dintlha tsa banka tse fetohileng ba tlameha ho ntjhafatsa tsena ho eFiling kapa SARS MobiApp hore Sehla sa ho Faela se be bobebe le ho hloka ditshitiso. Ho ntjhafatswa ha lesedi lena ho thusa ho qoba boqhekanyetsi le boshodu ba boitsebiso.

Khomishenara ya SARS, Edward Kieswetter, o netefalelitse balefalekgetho hore SARS e dutse e ikemiseditse ho phethahatsa sepheo sa yona sa hore Sehla sa ho Faela sa balefalekgetho ba tlwaelo e be motjha o itsamaelang bolatjha o sa hlokeng letho ho balefalekgetho, ka lebaka la tshebediso ya data e kgolo, boithuto ba motjhine le manollo ya dipalopalo.

Ho bapa le maikemisetso a mawala a SARS a ho nolofaletsa balefalekgetho dintho hore ba tle ba tsebe ho ikobela boitlamo ba bona ba molao, SARS e motlotlo ho tsebisa hore sehlopha sa balefalekgetho ba tlang ho hlahlojwa ka tsela ya othomathike e tla nyolohela ho palo e ka bang 4.8 million monongwaha papisong le ya balefalekgetho ba ka bang 3.8 million ngwahola.

Balefalekgetho ba dumellanang le *auto-assessment*, ha ba lokela ho etsa letho. Ebang o na le pusetso, e tla leshwa dihoreng tse 72. Ebang ho na le tjhelete e kolotuwang SARS, molefalekgetho o tlameha ho etsa tefo ho latela letsatsi le behilweng.

Ebang molefalekgetho a sa dumellane le *auto-assessment*, o lokela ho etsa diphetoho tse amehang mme a faele kgutliso ya hae ka tsela ya tlwaelo ka eFiling kapa SARS MobiApp ka la kapa pele ho la 21 Mphalane 2024, e leng letsatsi la ho qetela la balefalekgetho bao e seng ba nakwana.

Matstatsi a Sehla sa ho Faela:

- Ditsebiso tsa *auto-assessment*: 1 - 14 Phupu 2024
- Balefalekgetho ka bomong ba bona (bao e seng ba nakwana): 15 Phupu 2024 - 21 Mphalane 2024
- Balefalekgetho ba nakwana: 15 Phupu 2024 - 20 Pherekong 2025
- Dithraste: 16 Loetse 2024 - 20 Pherekong 2025

Khomishenara Kieswetter o itse, “Palo e kgolo ya dikanale tsa rona tsa dijithale tse teng bakeng sa balefalekgetho e toboketsa tlwaelo ya balefalekgetho ba seng ba sa hloke ho etela makala a rona le ho ya ema meleng.” Ho lebelletswe hore dibekeng tse pedi tsa pele tsa Phupu le tse pedi tsa pele tsa Mphalane, moo bongata ba balefalekgetho ba tla beng ba phallela SARS, ho ka nna ha ba le moo balefalekgetho bana ba tlang ho ema nako e teletsana ho feta ya tlwaelo ho fumana tshebeletso.

Balefalekgetho ba seng ba hlahlobilwe ka tsela ya othomathike empa ba lakatsa ho etsa tseko ya nyehlisetso ya lekgetho la sola ba tlameha ho tlatsa dikgutliso tsa bona tsa lekgetho le ho di faela ka tsela ya tlwaelo. Bongata ba lesedi le mabapi le nyehlisetso ya lekgetho la sola le fumaneha websaeteng ya SARS e leng www.sars.gov.za.

Balefalekgetho ba ka nna ba ikopanya le SARS ka tsela ya *SARS Online Query System*. *SARS Online Query System* ke mokgwatshebetso wa onlaene o bonolo fumanehang websaeteng ya SARS (<https://tools.sars.gov.za/sogs>). Balefalekgetho ba ka sebedisa tshebeletso ena ntle le ho leba lekaleng la SARS kapa ho letsetsa SARS.

SARS Online Query System e dumella balefalekgetho:

- a. Ho fana ka dipotso tse mabapi le kabo ya tefo.
- b. Ho kopa nomoro ya hao ya referense ya lekgetho.
- c. Ho fana ka ditokomane tsa tshehetso ebang SARS e o kopile tsona.
- d. Ho tlaleha nyewe e ntjha ya lefa.
- e. Ho ntjhafatsa moemedi ya ngodisitsweng.
- f. Ho kopa maemo a hao a boikobelo ba tefo ya lekgetho.
- g. Ho nnetefatsa maemo a hao a boikobelo ba tefo ya lekgetho.
- h. Ho lekola hore na molefalekgetho o motjheng wa ho fumana *auto-assessment* na, mme sena se ka etswa hang feela ha motjha wa *auto-assessment* o qala ka la 1 Phupu.

Lesedi la tlatsetso le mofuteng wa dipotso le dikarabo le ka fumanwa websaeteng ya SARS tlasa - [Tax Season | South African Revenue Service \(sars.gov.za\)](https://www.sars.gov.za/tax-season). Balefalekgetho ba ka nna ba buisana le SARS ka tsela ya Lwazi Chatbot kapa tshebetso ya *Live Agent* ho eFiling mmoho le SARS MobiApp.

Khomishenara Kieswetter o ipileditse ho balefalekgetho ho ba le ponaletso le ho nepahala nakong eo ba faelang dikgutliso tsa bona tsa lekgetho ho etsa hore dikamano tsa bona le SARS e be tse ahang. “Tshebediso ya theknoloji le data di ntlafaditse bokgoni ba SARS ba ho fokisa diketsahalo tsa ho se ikobele tefo ya lekgetho. Balefalekgetho ha ba tlameha ho feteletsa ditshenyehelo tsa bona kapa hona ho se tsebahatse lekeno la bona lohle ka sepheo sa ho fumana dipusetso tse sa dumellehang. Mohlala ke ho se akaretse lekeno la rente. Diketso tse jwalo di beha molefalekgetho kotisng ya ho fumanwa a le molato wa boqhekanyetsi.”

SARS e leboha beng ba mesebetsi le bafani ba data ba mekga ya boraro ba ileng ba ikobela letsatsi la bona la makgaolakang la 2024. Lesedi lena le nepahetseng le le nyehetsweng ka nako le thusa haholo ho bebofaletsa basebetsi ho ba le ditransekeshene tse hlokanang ditshitiso le tse bonolo le SARS ka nako ena ya Sehla sa ho Faela. Beng ba mesebetsi le mekga ya boraro e sa ikobeleng tefo ya lekgetho ba thatafalletsa basebetsi ba bona dintho ka nako eo ba etsang ditransekeshene le SARS mme ba tla salwa morao ka lebaka la ho se ikamahanye le molao.

Balefalekgetho ba ka ithuta tse ngata mabapi le ho sebedisa dikanale tsa dijithale tsa SARS, ka ho etela kanale ya SARS ya TV YouTube ho fumana dividiyo tse batsi tsa dithuto, kapa ba ka etela websaete ya SARS (www.sars.gov.za).

Ho fumana lesedi le fetang lena, ka kopo ikopanye le SARSMedia@sars.gov.za